



REPUBLIKA E SHQIPËRISË
GJYKATA KUSHTETUESE
KOLEGJI I POSAÇËM I APELIMIT
DREJTORIA EKONOMIKE DHE SHËRBIMEVE MBËSHTETËSE

Nr. ____ prot.

Tiranë, më ____ . 2024

Lënda: Mbi dokumentin e programit buxhetor afatmesëm të Kolegjit të Posaçëm të Apelimit, për periudhën 2025-2027, faza teknike

KOMISIONIT PËR ÇËSHTJET LIGJORE, ADMINISTRATËN PUBLIKE
DHE TË DREJTAT E NJERIUT

Tiranë

Të nderuar anëtarë,

Në zbatim të udhëzimit të Ministrit të Financave dhe Ekonomisë nr. 7, datë 28.02.2018 “Për Procedurat Standarde të Përgatitjes së Programit Buxhetor Afatmesëm”, udhëzimit nr. 4, datë 28.02.2024, “Për Përgatitjen e Programit Buxhetor Afatmesëm 2025-2027”, udhëzimit plotësues nr. 9, datë 10.07.2024, “Për Përgatitjen e Programit Buxhetor Afatmesëm 2025-2027” si dhe VKM-së nr. 535, datë 12.08.2024, “Për miratimin e tavanëve përfundimtare të shpenzimeve të Programit Buxhetor Afatmesëm 2025-2027”, po ju parashtrojmë dokumentin e programit buxhetor afatmesëm të Kolegjit të Posaçëm të Apelimit, për periudhën 2025-2027, faza teknike, miratuar me vendimin nr.5 datë 29.08.2024, të Mbledhjes së Gjyqtarëve dhe Grupit për Menaxhimin Strategjik të Kolegjit të Posaçëm të Apelimit, sipas këtij materiali dhe dokumenteve bashkëlidhur.

Kolegji i Posaçëm i Apelimit (këtu e në vijim “Kolegji”) është ngritur dhe funksionon në bazë të nenit 179/b dhe Aneksit të Kushtetutës së Republikës së Shqipërisë, si një ndër tri institucionet e rivlerësimit kalimtar të gjyqtarëve dhe prokurorëve. Referuar nenit 179/b, pika 5 e Kushtetutës, Kolegji funksionon pranë Gjykatës Kushtetuese, si kolegji i dytë i saj. Gjyqtarët e Kolegjit, referuar pikës 3 të nenit C të Aneksit të Kushtetutës, gjatë mandatit të tyre gëzojnë statusin e gjyqtarit të Gjykatës Kushtetuese.

Në përmbushje të detyrave të ngarkuara nga Kushtetuta dhe ligji, Kolegji mbështetet nga Njësia e Shërbimit Ligjor dhe punonjësit administrativë. Kuvendi i Shqipërisë, me Vendimin nr. 92/2017, i ndryshuar me Vendimin nr. 35/2024, ka miratuar strukturën organizative, organikën dhe klasifikimin e pagave të personelit të Kolegjit, sipas të cilit, numri total i punonjësve është 63 (gjashtëdhjetë e tre).

Për procesin e hartimit të kërkesave buxhetore afatmesme të Kolegjit për fazën teknike janë ndjekur këta hapa:

1. përcaktimi i misionit të institucionit dhe përshkrimi i programit buxhetor;

2. përcaktimi i qëllimit të politikës dhe objektivave të programit;
3. përcaktimi i treguesve të performancës për çdo objektiv të programit;
4. formulimi i produkteve mbi bazën e rezultateve të përcaktuara;
5. ndarja e kërkesave buxhetore sipas politikave ekzistuese dhe politikave të reja.

Misioni i KPA-së është: *“Përmbushja e funksioneve dhe kompetencave ligjore për garantimin e funksionimit të shtetit të së drejtës, pavarësisë së sistemit të drejtësisë, si dhe rikthimin e besimit të publikut tek institucionet e këtij sistemi”.*

Kolegji funksionon me një program të vetëm buxhetor me emërtesën: “Veprimtaria e Apelit të Rivlerësimit Kalimtar”.

Përshkrimi i Programit: *“Mbështetja e veprimtarisë së Kolegjit të Posaçëm të Apelit për shqyrtimin e ankimeve ndaj vendimeve të Komisionit të Pavarur të Kualifikimit; ushtrimin e juridiksionit disiplinor ndaj subjekteve të përcaktuara në ligj si dhe shqyrtimin e ankimeve kundër vendimeve të organeve të sistemit të drejtësisë për vendosjen e masave disiplinore”.*

Qëllimi i Politikës së Programit: *“Funksionimi i shtetit të së drejtës, pavarësisë së sistemit të drejtësisë si dhe rikthimi i besimit të publikut tek institucionet e këtij sistemi”.*

Si tregues i performancës i projektuar për të matur impaktin e këtij qëllimi është përcaktuar: *“Pavarësia dhe funksionimi i sistemit ligjor”.*

Përcaktimi i vlerës bazë si dhe vlerës për tre vitet e ardhshme, për efekt të procesit të parashikimit të kërkesave buxhetore afatmesme, është kryer duke përdorur si burim informacioni studimet vjetore të publikuara nga “Freedom House”, organizatë e pavarur, financuar nga Departamenti Amerikan i Shtetit, e specializuar në studime mbi demokracinë, respektimin e lirive dhe të drejtave si dhe funksionimin e shtetit (<https://freedomhouse.org/country/albania/freedom-world/2024>).

Sa i përket vlerësimit të sistemit gjyqësor ky studim paraqet rezultatet në formën e një indeksi me vlera nga 0 - 4, ku nr. 0 paraqet vlerësimin minimal dhe nr. 4 atë maksimal. Në raportin e vitit 2024, ku paraqitet vlerësimi për vitin 2023, sistemi gjyqësor në Republikën e Shqipërisë, paraqitet në nivelin 3.

Ne gjykojmë se si rrjedhojë e thellimit të procesit të rivlerësimit kalimtar të gjyqtarëve dhe prokurorëve si dhe krijimit e konsolidimit të organeve të reja të drejtësisë në vitet në vijim ky indeks do të vijë drejt një përmirësimi gradual nga niveli 3 në vitin 2024, në nivelin 3.5 deri në vitin 2026.

Për realizimin e programi buxhetor është përcaktuar si objektivi kryesor:

Objektivi 1 - *“Të shqyrtojë çështjet e ankimuar në juridiksion, bazuar në një proces të rregullt ligjor”.*

Treguesi i performancës i projektuar për të matur rezultatin e lidhur me këtë objektivi është: *“Numri i çështjeve të përfunduara në raport me numrin e çështjeve të ankimuar”.* Vlera e projektuar për këtë tregues performance për periudhën 2025-2026, është vlerësuar në masën 69-100%.

Deri më datën 31 korrik 2024, në Kolegjin e Posaçëm të Apelit janë regjistruar për shqyrtim 392 çështje të juridiksionit të rivlerësimit (40 çështje gjatë vitit 2018, 62 çështje gjatë vitit 2019, 63 çështje gjatë vitit 2020, 86 çështje gjatë vitit 2021, 53 çështje gjatë vitit 2022, 57 çështje gjatë vitit 2023, si dhe 31 çështje gjatë vitit 2024).

Deri më datën 31 korrik 2024, në Kolegjin e Posaçëm të Apelit janë shpallur 271 vendime të juridiksionit të rivlerësimit ose rreth 69% e çështjeve të regjistruara.

Si produkt kryesor për realizimin e objektivit 1 është përcaktuar *“Çështje të ankimuar/shqyrtuara”*, duke parashikuar dhe numrin e çështjeve për periudhën 2025-2026.

Nga ana e Komisionit të Pavarur të Kualifikimit, deri në 31 korrik 2024 janë dhënë 784 vendime. Bazuar në përcaktimet ligjore, të gjitha çështjet e shqyrtuara nga KPK, janë potencialisht të mundshme për ankimim pranë Kolegjit të Posaçëm të Apelit, megjithatë nga

të dhënat e deritanishme rezulton se rreth 50% e vendimeve të dhëna nga KPK-ja janë apeluar pranë Kolegjit.

Sa i takon ushtrimin të juridiksionit disiplinor ndaj subjekteve të përcaktuara në ligj si dhe shqyrtimin e ankimeve kundër vendimeve të organeve të sistemit të drejtësisë për vendosjen e masave disiplinore, aktualisht Kolegji deri në 31 korrik 2024, ka shqyrtuar 21 çështje në total.

Bazuar në sa më sipër, për efekt planifikimi buxhetor, për vitin buxhetor 2025, numri i çështjeve potencialisht të ankimueshme për Juridiksionin Disiplinor parashikohet të ketë rritje, ndërsa për Juridiksionin e Rivlerësimit, parashikohet të ketë rritje vetëm kërkesat me objekt rishikim vendimi, pasi këtë vit për shkak të mbarimit të mandatit të KPK-së, parashikohet që do të ketë ankime ndaj vendimit të KPK-së deri në muajin dhjetor 2024.

Pavarësisht mbarimit të mandatit të KPK-së, për vitin 2025 parashikohet përfundimi i çështjeve të regjistruara në vitet e mëparshme në Kolegji, të cilat janë me status të pashqyrtuara, konkretisht parashikohet të përmbillen rreth 60 çështje të Juridiksionit të Rivlerësimit, duke iu shtuar numrit të këtyre çështjeve edhe numri i çështjeve me objekt përjashtim gjyqtari/heqje dorë nga gjykimi, të cilat lidhen me to. Për vitin 2026, që është dhe viti i përfundimit të mandatit të Kolegjit, çështje potencialisht të ankimueshme për Juridiksion Rivlerësimi, do të jenë vetëm kërkesat për rishikim vendimi, ndërsa për Juridiksion Disiplinor parashikohet rritje e numrit të çështjeve të këtij juridiksioni, ne krahasim me vitet e mëparshme.

Pra, deri në muajin qershor 2026 parashikohet të përmbillen çështjet e Juridiksionit të Rivlerësimit të regjistruara ndër vite në Kolegji, e konkretisht rreth 53 çështje.

Kërkesa buxhetore për vitin 2025 është e orientuar në tre zëra shpenzimesh:

1. Shpenzime personeli (paga dhe sigurime shoqërore);
2. Shpenzime operative;
3. Investime;

Buxheti total i parashikuar për mbështetjen e veprimtarisë së Kolegjit për vitin 2025 është 313,1 milionë lekë. Tavani buxhetor i përcaktuar për vitin 2025 është 251.4 milionë lekë.

Në udhëzimin plotësues nr. 9, datë 10.07.2024, “Për Përgatitjen e Programit Buxhetor Afatmesëm 2025-2027”, përcaktohet se: *“Objektivi i fazës teknike të përgatitjes së Programit Buxhetor Afatmesëm 2025-2027, është përpunimi i detajave teknike të buxhetit brenda tavanëve përfundimtare të miratuara. Në këtë kuptim, Njësitë e Qeverisjes Qëndrore nuk mund të risjellin kërkesa për financimin e politikave të reja dhe kërkesa për mangësitë në financim të politikave ekzistuese”*.

Pavarësisht përcaktimit të mësipërm, në zbatim të Aneksit të Kushtetutes së Republikës së Shqipërisë, neni C, pika 14 e tij, si dhe nenit 19, pikat 2 dhe 3 të ligjit nr. 84/2016 “Për rivlerësimin kalimtar të gjyqtarëve dhe prokurorëve në Republikën e Shqipërisë”, kërkesat buxhetore për Kolegjin e Posaçëm të Apelit janë hartuar bazuar në nevojat konkrete dhe nuk marrin në konsideratë tavanet përfundimtare të miratuara për Kolegjin, me VKM nr. 535, datë 12.08.2024 “Për miratimin e tavanëve përfundimtare të shpenzimeve të PBA-së 2025-2027”.

Në materialin në vijim, paraqitet në mënyrë të detajuar dhe argumentuar kërkesa për çdo artikull ekonomik, për vitin 2025.

1. Shpenzimet e personelit

Shpenzimet për paga dhe shtesa të tjera për personelin për vitin 2025, reflektojnë koston aktuale të personelit së Kolegjit. Nëpërmjet këtij zëri shpenzimesh garantohet vijueshmëria e strukturave të burimeve njerëzore dhe forcimi i kapaciteteve institucionale të tyre në fushat e

veprimtarisë së Kolegjit, si dhe në sigurinë e mirëfunksionimit të brendshëm administrativ. Kërkesat buxhetore në shpenzime personeli, për vitin 2025, janë përlogaritur në vlerën totale **270.761 milionë lekë** dhe përfshijnë:

- a) Vlerën **251.961 milionë lekë** paga dhe sigurime shoqërore për 64 (63+1) punonjës të miratuar me Vendimin nr. 92/2017 të Kuvendit të Shqipërisë, ndryshuar me Vendimin nr. 35/2024, si dhe 1 (një) punonjës me kontratë të përkohshme. Ky fond konsiston përkatësisht në: **230,695 milionë lekë** për paga dhe **21,266 milionë lekë** për sigurime shoqërore dhe shëndetësore. Në përlogaritjen këtij fondi jemi mbështetur në:
- Pikat 3, 4 dhe 5, neni 29, ligji 84/2016 “Për rivlerësimin kalimtar të gjyqtarëve dhe prokurorëve në Republikën e Shqipërisë”; neni 17, ligji nr.8577, datë 10.02.2000 “Për organizimin dhe funksionimin e Gjykatës Kushtetuese të Republikës së Shqipërisë”; i ndryshuar, neni 12, ligji nr. 96/2016 “Për statusin e gjyqtarëve dhe prokurorëve në Republikën e Shqipërisë”; i ndryshuar, VKM nr. 574, datë 9.10.2017 “Për përcaktimin e pagës mujore shtesë për shkak të vështirësisë, për anëtarët e institucioneve të rivlerësimit”, Vendimin nr. 92/2017 të Kuvendit të Shqipërisë i ndryshuar me Vendimin nr. 35/2022, i ndryshuar me Vendimin nr. 35/2024 si dhe Vendimin nr. 35, datë 22.11.2022, të Gjykatës Kushtetuese, sa i takon Gjyqtarëve të Kolegjit të Apelit, Këshilltarëve të Njësisë së Shërbimit Ligjor.
 - Vendimin nr. 92/2017 të Kuvendit të Shqipërisë i ndryshuar me Vendimin nr. 35/2024, VKM nr.325, datë 31.05.2023, e ndryshuar me VKM nr. 421, datë 26.06.2024 dhe VKM nr. 326, datë 31.05.2023, të ndryshuar dhe VKM nr. 422, datë 26.06.2024 sa i takon punonjësve administrative.
 - Aktet ligjore e nënligjore në fuqi, për pagesën e kontributit të sigurimit shoqëror dhe kontributit të sigurimit shëndetësor që punëdhënësi kryen për punëmarrësit.
- b) Vlerën **18.8 milion lekë** në shpenzime personeli ku janë përlogaritur fondet e kërkuara lidhur me efektin prapaveprues për periudhën mars 2022 - 08 janar 2023, në llogaritjen e pagave dhe sigurimeve shoqërore dhe shëndetësore për gjyqtarët dhe këshilltarët e Njësisë së Shërbimit Ligjor, në zbatim të Vendimit nr. 35, datë 22.11.2022, të Gjykatës Kushtetuese për shfuqizimin e pikës 5, të nenit 12 të ligjit 96/2016. Fondi total është rreth 18.8 milionë lekë, përkatësisht 18.4 milionë lekë në fondin e pagave, artikulli (600) dhe 0.4 milionë lekë në sigurime shoqërore e shëndetësore, artikulli (601).

Për sa i përket shpenzimeve të personelit rezultojnë kërkesa për fonde më të mëdha se taveni i vendosur.

Për vitin 2026 kërkesa buxhetore për shpenzime personeli janë parashikuar përkatësisht **251.961 milionë lekë**.

Për vitin 2027 pavarësisht se Institucionet e Rivlerësimit pushojnë së funksionuari sipas nenit 179/b, pika 9, të Kushtetutës, funksione të caktuara, të cilat mund të vijnë të ushtrohen, si rrjedhim kanë nevojë për parashikim buxhetor në programin “Veprimtaria e apelit të rivlerësimit kalimtar”. Nën dritën e këtij fakti është kryer edhe detajimin i fondeve të shpenzimeve të personelit për vitin 2027 në zbatim të nenit 70, pika 2 e ligjit 84/2016.

Udhëzimi i Ministrisë së Financave nr. 4, datë 28.02.2024 përcakton se, në rastin kur kostoja për financimin e politikave ekzistuese tejkalojnë tavanin indikativ të alokuar për programin buxhetor të njësisë së qeverisjes qendrore me 3%, pjesa e kostos së tejkaluar e detajuar në nivel programi/objektivi/produkti do të paraqitet si pjesë e propozimeve për politika të reja.

Duke qenë se kërkesa për shpenzimet e personelit rezulton më e madhe se tavani i vendosur, në zbatim të udhëzimit të mësipërm, fondet shtesë 45.001 milion për vitin 2025 janë paraqitur si politike e re.

2. Shpenzime Operative

Buxheti për shpenzime operative, përfshin tërësinë e mallrave dhe shërbimeve të domosdoshme për mbarëvajtjen dhe ushtrimin e funksioneve që Kushtetuta dhe ligji nr. 84/2016, i ngarkon Kolegjit.

Në përlllogaritjen e fondeve buxhetore për shpenzime operative, jemi mbështetur kryesisht në:

- Treguesit e realizuar të shpenzimeve operative për periudhën 2023 - 2024 dhe shpenzimeve të parashikuara për vitin 2025, si dhe kërkesat specifike të paraqitura nga dy drejtoritë. Në parashikimin e këtyre shpenzimeve, të cilat kanë rëndësi për mbarëvajtjen dhe ushtrimin e funksioneve operacionale, u morën parasysh nevojat e administratës, numri i personelit, shpenzimet e automjetit, amortizimi dhe zëvendësimi i pjesëve të konsumushme të pajisjeve, konsumi mesatar i karburantit dhe aktiveve qarkullues etj.

Buxheti total i parashikuar në shpenzime operative për vitin 2025, sipas tavaneve përfunimtarë për Kolegjin është 23.64 milionë lekë, ndërsa kërkesat e Kolegjit për shpenzime operative janë në vlerën 27.65 milion lekë.

Në vijim, janë paraqitur kërkesat për vitin 2025, sipas grupeve kryesore të shpenzimeve operative:

602.0 - Materiale dhe shërbime zyre të përgjithshme

Kjo kategori shpenzimesh e përlllogaritur në vlerën **2.7 milionë** lekë përfshin zërat e mëposhtëm:

		<i>në 000 lekë</i>
NR.	MATERIALE ZYRE DHE TË PËRGJITHSHME	2,700
1	Kancelari, letër	700
	Materiale për pastrim e higjieno sanitare	600
3	Materiale elektrike, ndriçim etj	100
	Shërbime printimi	1,200
5	Materiale për funksionimin e pajisjeve speciale	50
	Furnizim dhe materiale tjera zyre dhe të përgjithshme	50

602.1 - Materiale dhe shërbime speciale

Kjo kategori shpenzimesh e përlllogaritur në vlerën **745 mijë** lekë përfshin zërat e mëposhtëm:

		<i>në 000 lekë</i>
NR.	MATERIALE DHE SHËRBIME SPECIALE	745
1	Uniforma dhe veshje te tjera speciale	25
	Ilaçe dhe materiale mjekësore	10
3	Furnizime me ujë të pijshëm për seancat dhe personelin	300
	Posta abonim në shtypin e shkruar	100
5	Shpenzime për prodhim dokumentacioni specifik (Vendime, dosje gjyqësore etj.)	150
	Dezinfektim i ambienteve	60
7	Të tjera materiale dhe shërbime speciale	100

- Në zërin ujë i pijshëm, është parashikuar mbulimi i nevojave për personelin e Kolegjit si dhe palët pjesëmarrëse gjatë proceseve gjyqësore.
- Në zërin dezinfektim i ambienteve, është planifikuar dezinfektimi kundër insekteve/viruseve që mbartin patogjenë të dëmshëm për shëndetin e njeriut me një frekuencë 3 herë/vit.

602.2 - Shërbime nga të tretët

Kjo kategori shpenzimesh e përlogaritur në vlerën **3.795 milionë** lekë përfshin zërat e mëposhtëm:

		<i>në 000 lekë</i>
NR.	SHËRBIME NGA TË TRETË	3,795
1	Elektricitet	1,600
	Ujë	90
3	Shërbime telefonike	1,000
	Posta, shërbim korrieri	200
5	Shërbime bankare	5
	Shërbime të printimit dhe publikimit	600
7	Kosto e trajnimit dhe seminareve	150
	Shërbim interneti për ambientet me qera	50
9	Shërbime të tjera	100

- Në zërat elektricitet dhe ujë, përveç konsumit në godinën aktuale, është parashikuar dhe konsumi për ambiente shtesë të marra me qira në dispozicion të Kolegjit.
- Në zërin kosto të trajnimit dhe seminareve, janë parashikuar trajnime për stafin administrativ, të organizuara nga institucione të licencuar dhe të akredituar nga organet e administratës.
- Në zërin shërbime telefonike në zbatim të VKM-së nr. 855, datë 02.11.2020 “Për disa ndryshime dhe shtesa në vendimin nr. 673, datë 02.09.2020, “Për pajisjen me numër telefoni celular të funksionarëve publikë” si dhe Vendimin e Mbledhjes së Gjyqtarëve nr. 28, datë 21.12.2020, i cili ka miratuar kuotat maksimale për telefoninë celulare sipas funksioneve, është llogaritur vlera e kontratës institucionale për titullarin e institucionit, këshilltarët ligjorë dhe ekonomikë, Sekretarin e Përgjithshëm dhe drejtorët e Drejtorive.
- Zëri shërbime printimi dhe publikimi ka të bëjë me publikimet në mediane të shkruara dhe atë online të pozicioneve vakante të punësimit për shtesat në strukturë si dhe pozicionet vakante që mund të krijohen gjatë vitit në institucion.

602.3 - Shpenzime transporti

Kjo kategori shpenzimesh e përlogaritur në vlerën **560 mijë lekë** përfshin zërat e mëposhtëm:

		<i>në 000 lekë</i>
NR.	SHPENZIME TRANSPORTI	560
1	Karburant dhe vajra	250
	Pjesë këmbimi, goma dhe bateri	50
3	Shpenzime siguracioni të mjeteve	60
	Shpenzime të tjera transporti (parkim për automjetin e institucionit)	200

- Në zërin karburant gjatë vitit 2025, është parashikuar një sasi prej 1200 litër (100 litër / muaj) për automjetin e institucionit, por që është në varësi të procedurës së prokurimit.
- Në zërin “pjesë këmbimi, goma dhe bateri” me vlerë 50 mijë lekë, është vlerësuar prokurimi i pjesëve që mund të dëmtohen për automjetin e institucionit, të cilat nuk klasifikohen si shërbime, sipas vlerësimit të kryer nga shoferi i automjetit ose nga kontrolli që i kryhet automjetit, përpara se të kalojë kontrollin vjetor.
- Në zërin shpenzime të tjera transporti është përfshirë rinovimi i kontratës me Bashkinë Tiranë për vend parkimin e automjetit të institucionit.

602.4 - Shpenzime udhëtimi

Kjo kategori shpenzimesh e përlogaritur në vlerën **3 milionë lekë** përfshin zërat e mëposhtëm:

në 000 lekë

NR.	SHPENZIME UDHËTIMI	3,500
1	Udhëtim i brendshëm	1000
	Udhëtim jashtë shtetit	2,500

- Lidhur me udhëtimet e brendshme, është parashikuar një fond, duke u bazuar në nenin 49, pika Ç, e ligjit 84/2016, ku parashikohet se me qëllim përcaktimin e gjendjes së fakteve dhe rrethanave që kanë lidhje me çështjen, Kolegji ka të drejtë të këqyrë dhe kontrollojë sende të luajtshme apo të paluajtshme, bazuar në vendimin e gjykatës kompetente, si dhe zhvillimi i dy seminareve/analizave periodike të punës brenda Shqipërisë.
- Në zërin udhëtime jashtë vendit nisur nga fakti që anëtarët e Kolegjit, mund të marrin pjesë në konferenca të ndryshme ndërkombëtare, takime apo trajnime me organe të juridiksionit disiplinor, për proces të rregullt gjykimi e shkëmbim eksperience, është parashikuar mbulimi i shpenzimeve për 1 (një) udhëtim 3 ditor për shtatë gjyqtarë për vizita studimore në gjykata homologe; 1 (një) udhëtim 4 ditor për 14 (katërmëdhjetë) këshilltarë në Njesisë së Shërbimit Ligjor për trajnim në kuadër të Juridiksionit Disiplinor në GjEDNj apo gjykata evropiane, të cilat kanë në juridiksionin e tyre procedime disiplinore. Gjithashtu në këtë zë është përfshirë dhe një udhëtim 3 ditor për personelin (3 persona/udhëtim) për takimet vjetore të Komitetit të Stabilizim Asociimit, në Bruksel. Baza ligjore për shpenzimet e parashikuara më sipër është VKM-ja nr. 870, datë 14.11.2011 “Për trajtimin financiar të punonjësve që dërgohen me shërbim jashtë vendit”, si dhe udhëzimi i Ministrit të Financave nr. 22, datë 10.07.2013 “Mbi zbatimin e vendimit nr. 870, date 14.12.2011 të Këshillit të Ministrave “Për trajtimin financiar të punonjësve që dërgohen me shërbim jashtë vendit”.

602.5- Shpenzime për mirëmbajtje të zakonshme

Kjo kategori shpenzimesh e përlogaritur në vlerën **1.3 milion lekë** përfshin zërat e mëposhtëm:

në 000 lekë

NR.	SHPENZIME PËR MIRËMBAJTJE TË ZAKONSHME	1,300
1	Shpenzime për mirëmbajtjen e sistemeve dhe instalimeve teknike	100
	Shpenzime për mirëmbajtje të mjeteve të transportit	100
3	Shpenzime për mirëmbajtje të pajisjeve të zyrave	1,100

Në zërin shpenzime për mirëmbajtje të zakonshme janë përfshirë:

- Shpenzime për mirëmbajtjen e sistemeve dhe instalimeve teknike ku përfshihen: mirëmbajtja vjetore e sistemit audio-video të instaluar në sallën e gjyqit si dhe mirëmbajtja e kondicionerëve të dhomës së serverave.
- Shpenzime për mirëmbajtje të automjetit të institucioni ku përfshihen shërbimet rutinore dhe ato të parashikuara në momentin e hartimit të planit.
- Mirëmbajtja e serverëve, kompjuterëve dhe pajisjeve të zyrës të institucionit, në vlerën 1,100 mijë lekë.

602.6- Shpenzime për qiramarrje ambientesh

Buxheti i detajuar për këtë kategori shpenzimi është përlogaritur në vlerën **2.04 milion lekë** dhe përfshin pagesën vjetore për kontratën e qirasë për ambientet shtesë, në përdorim të Kolegjit. Kontrata aktuale përfundon në muajin shtator 2024 dhe parashikohet lidhja e kontratës për periudhën në vijim. Në lidhje me këtë zë sqarojmë se është parashikuar një rritje prej 20% të shpenzimeve të qerasë të zyrave, sipas kontratës aktuale, të cilat ndodhen në adresën: Blv. “Bajram Curri”, Pallatet Agimi me numër pasurie 3/163+2-2. Në këto ambiente janë pozicionuar përkthyesit, zyrat e financë/personel dhe magazina e institucionit.

602.9 - Shpenzime të tjera materiale dhe operative

Kjo kategori shpenzimesh e përlogaritur në vlerën **13.005 milionë lekë** përfshin zërat e mëposhtëm:

NR.	SHPENZIME TE TJERA OPERATIVE	në 000 lekë 13,005
1	Shpenzime per sigurimin e jetes, shendetit dhe pronave	10,985
	Shpenzime telefonie për funksionaret e institucionit	1,100
3	Shpenzime kompesimi per zyrtaret e zgjedhur (pashaporte diplomatike)	60
	Shpenzime per tatim dhe taksa te paguara nga institucioni	50
5	Blerje licensash Firewall/Zoom, etj	600
	MKZ	20
7	Blerje materiale hidraulike, marangozi, ndertimi etj.	60
	Dekorim i festave te fundvitit	10
9	Mirembajtje faqe zyrtare	120

- Në zërin sigurimi i jetës, shëndetit dhe pasurisë, bazuar në pikën 17, të nenit “C” të Aneksit të Kushtetutës dhe nenit 25, të ligjit nr. 84/2016 “Për rivlerësimin kalimtar të gjyqtarëve dhe prokurorëve në Republikën e Shqipërisë”, është parashikuar një fond 10.985 milion lekë. Fondi prej 8.085 milionë lekë i dedikohet paketës së sigurimit të shëndetit për gjyqtarët e Kolegjit të Posaçëm të Apelimit, personat e lidhur të gjyqtarëve, këshilltarët e Njesisë së Shërbimit Ligjor, Sekretarin e Përgjithshëm, Drejtorët e Drejtorive, stafin administrativ dhe sigurimin e pasurisë. Fondi prej 2.9 milion lekë i dedikohet paketës së sigurimit të jetës për gjyqtarët, personat e lidhur të gjyqtarëve, këshilltarët e Njesisë së Shërbimit Ligjor, Sekretarin e Përgjithshëm dhe Drejtorët e Drejtorive.
- Në zërin shpenzime telefonie për gjyqtarët, është parashikuar fond 15 mijë lekë/muaj për mbulimin e shpenzimeve telefonike për kontratat individuale të gjyqtarëve të Kolegjit, bazuar në VKM-në nr. 855, datë 02.11.2020, dhe Vendimin e Mbledhjes së Gjyqtarëve nr. 28, datë 21.12.2020, dhe kontratat aktuale të gjyqtarëve.
- Në zërin blerje licensash përveç rinovimit të shërbimit Microsoft Office 365 është përfshirë dhe rinovimi i shërbimit Zoom Meeting për punën në distancë.

Kërkesa për shpenzime operative për vitin 2025, në vlerën 23.64 milionë lekë është konsideruar si pjesë e politikës ekzistuese të Kolegjit dhe në vlerën 4 milion është konsideruar si pjesë e politikës së re.

Pasqyra me poshtë paraqet të përmbledhur fondet sipas tavaneve përfundimtarë dhe kërkesave të Kolegjit për shpenzime korrente.

PASQYRA E KËRKESAVE BUXHETORE PËR SHPENZIME KORRENTE PËR VITIN 2025

	Artikulli Ekonomik	Kërkesa për vitin 2025	Tavani përfundimtar i miratuar	Politikë Ekzistuese	Politikë e re	Kërkesa mbi Tavan
	600	249,095	204,939	204,939	44,156	44,156
	601	21,666	20,821	20,821	846	846
	602	27,645	23,640	23,640	4,005	4005
	Totali	298,406	249,400	249,400	49,007	49,007

Për vitin 2026, kërkesa buxhetore për shpenzime korrente është **përcaktuar 279.60 milionë** lekë dhe nuk është parashikuar rritje për nivelin e inflacionit sipas përcaktimeve në udhëzimin për hartimin e kërkesave buxhetore afatmesme.

Për vitin 2027 pavarësisht se Institucionet e Rivlerësimit pushojnë së funksionuari sipas nenit 179/b, pika 9, të Kushtetutës, funksione të caktuara, të cilat do të vijojnë të ushtrohen, kanë nevojë për parashikim buxhetor në programin “Veprimtaria e apelimit të rivlerësimit kalimtar”. Nën dritën e këtij fakti është kryer edhe detajimin i fondeve të shpenzimeve të operative për vitin 2027, në zbatim të nenit 70, pika 2 e ligjit 84/2016 duke u bazuar në tavanet përfundimtarë të miratuar sipas VKM-së nr.535, datë 12.08.2024.

3. Shpenzimet për investime

Për vitin 2025, Kolegji ka parashikuar investime në fondin **14.7 milion lekë**. Tavani buxhetor i përcaktuar për vitin 2025 është 2 milionë lekë.

Për vitin 2025 është programuar blerja e pajisjeve të tjera të cilat mund të jenë të nevojshme, por që gjatë hartimit të dokumentit të PBA-së nuk mund të parashikohen ose zëvendësimi i pajisjeve të cilat janë amortizuar apo shfaqin probleme gjatë vitit 2025, si dhe *Scanner për kontroll dhe urë metal dedektor*.

Sa i takon shpenzimeve për investime, bazuar në kërkesat për investime të paraqitura nga dy drejtoritë, përdorimi i këtij fondi për vitin 2025, parashikohet si më poshtë:

1. Blerje pajisje zyre të nevojshme për personelin. Parashikimi për këtë grup investimesh është llogaritur në vlerën 1,000 mijë lekë.
2. Blerje pajisje elektronike/UPS etj., për rastet e dëmtimeve gjatë vitit të cilat nuk mund të riparohen dhe nevoja të tjera që mund të shfaqen gjatë vitit.

Parashikimi për këtë grup investimesh është llogaritur në vlerën 1,000 mijë lekë.

Bazuar në përcaktimet e udhëzimit për hartimin e Programit Buxhetor Afatmesëm, kjo kërkesë është trajtuar në kategorinë shpenzime administrative kapitale dhe përfshihet në politikat ekzistuese për projektet e investimeve publike.

3. Scanner për kontroll dhe urë metal detektor, në vlerë 12,7 milion lekë. Kjo është një kërkesë e përsëritur e Kolegjit prej vitit 2019, e cila nuk është miratuar. Theksojmë se ky investim garanton sigurinë e personelit të Kolegjit si dhe të palëve pjesëmarrëse në proces. Bazuar në përcaktimet e udhëzimit për hartimin e Programit Buxhetor Afatmesëm, kjo kërkesë është trajtuar në kategorinë shpenzime për projekte investimesh dhe përfshihet në politikat e reja për projektet e investimeve publike.

PASQYRA E KËRKESAVE BUXHETORE E SHPENZIMEVE PËR INVESTIME PËR VITIN 2025

N R	Artikulli Ekonomik	Kërkesa për Vitin 2025	Tavani përfundimtar i miratuar	Politikë Ekzistuese	Politikë e re	000/lekë
						Kërkesa mbi Tavan
1	231	14,700	2,000	2000	12,700	12,700
	Totali	14,700	2,000	2000	12,700	12,700

Bashkëlidhur gjeni tabelat plotësuese, si dhe formatet standarde për hartimin e kërkesave buxhetore afatmesme 2025-2027.

